

Penduduk Pamilaan raikan program Keluarga Angkat UMSKAL

UG 9.6.2016 B3

Oleh HENRY BATING

PROGRAM Keluarga Angkat Jawatankuasa Kebajikan Mahasiswa (Jakmas) Kolej Kediaman Universiti Malaysia Sabah Kampus Antarabangsa Labuan (UMSKAL) di Kg Pamilaan, 22km dari Tenom, telah dialu-alukan dan diterima baik penduduk kampung.

Pengerusi JKKK Pamilaan Bawah Amran Jabai Wahab berkata program itu sungguh baik kerana dapat melibatkan anak-anak di kampung itu, pada waktu yang sama mampu merangsang keinginan anak-anak yang masih belajar di sekolah rendah untuk berjaya dalam akademik.

"Kita berharap program keluarga angkat ini dapat diteruskan apatah lagi kita sudah akrab dengan semua pelajar UMSKAL yang pernah menjadi anak angkat kita selama ini," katanya.



SAAT perpisahan antara pelajar UMSKAL dan keluarga angkat di Kg Pamilaan, Tenom.

Amran, 52, berkata demikian ketika mengalu-alukan Program Keluarga Angkat Jakmas UMSKAL Siri 2 melibatkan 21 pelajar 28-30 Mei lalu. Rombongan melibatkan pelajar Fakulti Kewangan Antarabangsa Labuan (FKAL) dan Fakulti Komputeran dan Informatik (FKI) itu diketuai Dickson Shou.

Keberangkatan rombongan itu ditaja bersama UMSKAL dan penduduk kampung untuk membiayai kos perjalanan, penganjuran aktiviti bersama keluarga angkat dan pelaksanaan program kemasyarakatan di kampung.

Siri 1 program itu telah diadakan penghujung April

2015 yang sebahagian daripada 30 peserta ketika itu menyertai semula program siri 2 baru-baru ini.

Penyertaan kali kedua sebahagian pelajar adalah sebagai kesinambungan memperkukuhkan hubungan antara anak angkat dari UMSKAL dan kalangan keluarga angkat mereka di Kg Pamilaan.

Pelaksanaan program siri 2 baru-baru ini turut menerapkan kemampuan berdikari rombongan yang sebahagian besar proses pelaksanaan aktiviti dikendalikan kalangan jawatankuasa rombongan pelajar itu sendiri.

Rombongan bertolak pergi dan balik menaiki feri Labuan-Menumbok dan bas penumpang Menumbok-Keningau-Kg Pamilaan.

Selama bersama keluarga angkat, rombongan meraikan pertemuan dengan mengadakan sukan dan rekreasi ke sungai, membantu keluarga memperoleh dan mempersiapkan hidangan kampung, bertandang ke rumah-rumah jiran yang kebetulan mengadakan kenduri dan meninjau Pasar Malam Keningau.



AMRAN bersama anak-anak angkat dari UMSKAL.